

Վ. Ա. Գրույան

ԳՈՅԱԿԱՆԻ ԲԱՌԱԿԱՊԱԿՑՈՒԹՅՈՒՆՆԵՐԸ՝ ԱԾԱԿԱՆ ԼՐԱՑՈՒՄՈՎ

Ժամանակակից հայերենի բառակապակցությունների մեջ ուրույն տեղ ունեն ածական լրացումով գոյականի կապակցությունները:

Անհրաժեշտ է նշել, որ այս կապակցությունները, բաղադրիչների իմաստային փոխհարաբերության տեսակետից նախնական տարբերություն չունենալով գրարարի նույնատիպ կապակցություններից, իրենց կառուցվածքով, այն է՝ բաղադրիչների ձևաբանական հատկանիշներով, նախնական տարբերվում են նրանցից: Տարբերությունն այն է, որ եթե գրարարում ածականը մեծ մասամբ ետադաս (որոշ դեպքերում նաև նախադաս) գործածվելիս համաձայնում էր լրացյալին, ապա ժամանակակից հայերենում ածական լրացումը բերականական համաձայնությամբ չի կապակցվում իր լրացյալի հետ¹: Այսպես, օրինակ, գեղեցիկ վարդ, գեղեցիկ վառի, գեղեցիկ վառից, գեղեցիկ վառիք, գեղեցիկ վառիք, գեղեցիկ վառիքի, գեղեցիկ վառիքով և այլ կապակցություններում ածական լրացումը չի համաձայնում լրացյալին: Ընդ որում այդ երևույթը բնորոշ է բոլոր կապակցություններին, անկախ լրացման շարադասությունից: Օրինակ, վառի կարմիր, վառիք կարմիր, վառիքի կարմիր, վառիքից կարմիր, վառիքով կարմիր և այլ կապակցություններում ետադաս ածականը ևս չի համաձայնում լրացյալ գոյականին: Եթե մյուս խոսքի մասերով կազմվող բառակապակցություններում լրացումները լրացյալի հետ կապակցվելով արտահայտում են իմաստային զանազան հարաբերություններ (ինչպես, ասենք, սեռական հոլովով դրված գոյական լրացումով կապակցություններում այդ իմաստները հասնում են մի քանի տասնյակի), ապա ածականը լրացյալի հետ կապակցվում է միայն ու միայն որակական (որոշիչ) հարաբերությամբ, այսինքն արտահայտում է լրացյալի որակական կամ այլ հատկանիշը: Շարահյուսական տեսակետից այս կապակցության բաղադրիչները նախադասության մեջ լինում են որոշիչ-որոշյալ: Մական որոշիչները կարող են արտահայտել առարկայի բազմազան ու բազմաթիվ հատկանիշները: Այդ բազմապիսի հատկանիշների դրսևորումն էլ բառակապակցությունների տվյալ տեսակի հետազոտման նյութն է: Մեր նպատակն է՝ այստեղ ցույց տալ այդ կապակցությունների բաղադրիչների իմաստային հարաբերությունները:

Ածականի՝ գոյականի լրացում դառնալը պայմանավորված է առաջին հերթին ածականի իմաստով, այսինքն այն բանով, թե տվյալ ածականի իմաստը որքան առարկաներ կարող է ընդգրկել: Հետևաբար ածական լրացումով կապակցությունները քննելիս պետք է ելնել ածականների իմաստային ընդգրկման հնարավորությունից: Այդ ընդգրկումը կարող է մի դեպքում սահմանափակ լինել, երկրորդ դեպքում՝ ընդարձակ, ապա՝ ավելի ընդարձակ և այլն: Այս տեսակետից բնորոշ է այն հանգամանքը, որ որակական ածականներով կազմվում են անհամեմատ շատ կապակցություններ, մինչդեռ հարաբերական և հատկացական ածականները հնարավոր է կապակցել միայն համապատասխան իմաստ ունեցող գոյականների հետ: Որակական ածականներն էլ իրենց հերթին ունեն ընդգրկման այս կամ այն աստիճանը, որը պայմանավորված է նրանց իմաստով: Ուսումնասիրությունը ցույց է տալիս, որ այս կապակցությունները կազմվում են առաջին հերթին բաղադրիչների իմաստային զուգորդումների հնարավորության դեպքում, այսինքն՝ գոյականի հետ կարող են կապակցվել այնպիսի ածականներ, որոնց բառային իմաստը բնորոշ է տվյալ առարկային: Այսպես, ծավալ ենթադրող գոյական անունների հետ կարող են կապակցվել միայն ծավալային հատկանիշ արտահայտող ածականներ: Հնարավոր է ասել խոր գետ,—ծով,—նախ,—փոս,—նոր և այլն, լայն տերև,—դաշտ,—երես,—նալատ,—տախտակ,—կամուրջ, ընդարձակ դանլին, երկար ճանապարհ,— փայտ,— սեղան,— քել,— տերև, բարակ փայտ,— ճյուղ, խոշոր հատիկ,—կտուր,— փառ,— բլուր,— ծառ և այլն: Բնագրային օրինակներ

¹ Այստեղ անշուշտ ի նկատի չենք առնում ամբողջական այն կապակցությունները, որոնք գրարարից փոխառնվելով, այժմ գործածական են իբրև կայուն կապակցություն (մեծավ մասամբ, մեծավ ուրախությամբ):

«Այստեղից թագուհին անցավ մի ընդարձակ դարդարուն դահլիճ» (Մուր., 3, 18)։ «Կրիան մի ֆառակուսի և լայնադիր տախտակամած էր» (Մուր., 3, 278)։ «Խաշտը անծայր ու անսահման, լայնատարած՝ հրակարմիր տարածվել էր նրանց առաջ» (Չ., 249)։

«Բուխարու մեջ կասկարայի վրա դրած կաթսայի տակ մի քանի բարակ փայտ էր ծխում» (Ն.-Դ., 1, 26)։

«Ծալքից հանեց բավական մեծ ու հստակ մի վերմակ և ծածկեց մարդուն» (Ն.-Դ., 1, 26)։

«Մտան կաղնին հաստալուն» (Հ. Թ., 2, 44)։

«Ու պարից հետո լեն հրապարակ

Քաց արին մեջտեղն արծակ զլիստան» (Հ. Թ., 2, 56)։

«Գետին են զարկում ձեռքերը հաստիկ» (Հ. Թ., 2, 56)։ «Քամու դեմ կռվելով, նա մտավ իրենց նեղ ու ծուռ փողոցը» (Ն.-Դ., 1, 47)։

Նվ ընդհակառակն, հնարավոր չէ ասել խոր երես,—կամուրջ,—սեղան,—քել, կամ լայն մագ,—առավոտ,—ամիս,—ասեղ և այլն, որովհետև այդ գոյականների համար հիշյալ ածականները բնորոշ հատկանիշ չեն արտահայտում։

Մյուս կողմից, ասենք, կշիռ ենթադրող գոյականների հետ կարող են կապակցվել համապատասխան հատկանիշ արտահայտող ածականներ։ Օրինակ, կարելի է ասել ծանր ֆար,—փայտ,—մետաղ,—մարմին,—բեռ և այլն, քեր կայտ,—մետաղ,—ծածկ,—մարմին և այլն։ Օրինակներ՝

«Ունենին քեր վահաններ և ծանր, բառակուսի ասպարներ» (Մուր., 3, 174)։

«Մանր շոմբախը, գլուխը մեխած,

Օճորբում դրած պիտի մրոտի» (Հ. Թ., 2, 65)։

Սակայն հնարավոր չէ ասել, ծանր զագար,—ծայր,—եզր,—ափ,—փոս,—հոր, քեր քվան,—ջրանցք,—նակատ,—մեջք և այլն, քանի որ տվյալ գոյականների համար նշված ածականները բնորոշ չեն։

Սակայն անհրաժեշտ է ի նկատի ունենալ, որ ածականները բացի համապատասխան իմաստ ունեցող գոյականներից, կարող են կապակցվել նաև այլ գոյականների հետ՝ փոխաբերական գործածությամբ։ Այստեղ առկա է գեղարվեստական խոսքին բնորոշ փոխաբերությունը։ Փոխաբերաբար հնարավոր է դառնում ասել տխուր դաշտ,—առավոտ, նեղ ու զավաղիւր ոգի, շփել զարուն, ուրախ զարուն, զվարթ լույս, զորջ օր, անբառամ սեր, բնօրն երազ, զոդտրիկ երազ, շուր ու ցամաք պատասխան, սև ու մուր օրեր, կոպիտ խոսք, ծանր մտածմունք և այլն։ Օրինակներ՝

«Տեսավ և իր երկու լղարիկ դրոյկը» (Ն.-Դ., 1, 180)։

«Ու ողջ միասին մի խորունկ քախիծ,

Մի մութ զարգանդ են գիշերին տալիս» (Հ. Թ., 2, 35)։

«Նվ վրդովում են իր միտքը թարուն

Դավաճան գործի ամոքը խորին

Նվ արբալական փառքն ու մեծություն» (Հ. Թ., 2, 139)։

«Իմ սուր, արթուն ականջում

Մի խոր ձեն է միշտ հնչում,

Անհուն, անհուն կարոտով

Իրեն մոտ է ինձ կանչում» (Հ. Թ., 1, 151)։

«Ով սեր, բնության դու խոշտանգիչ կամք,

Նեղ ու զավաղիւր ոգի աննահանջ» (Իս., 2, 53)։

Ինչպես հայտնի է, գեղարվեստական խոսքում այս ածականները կոչվում են մակդիր (իհարկե միայն սրանք չեն մակդիր)։

Միաժամանակ պետք է նշել, որ կան բազմաթիվ ածականներ, որոնք կարող են կապակցվել շատ մեծ թվով գոյականների հետ՝ շնորհիվ իմաստային ընդհանրության, այն հատկության, որ ընդգրկում են շատ գոյական անուններին բնորոշ հատկանիշ։ Այսպես, գույն ցույց տվող ածականները ի վիճակի են կապակցվելու մեծ թվով գոյականների հետ։ Օրինակ, կարելի է ասել սպիտակ ծաղիկ,—ծյուն,—հող,—ֆար,—փայտ,—բույր,—տուն,—հաց,—կտոր,—հագուստ,—կոշիկ,—մաշկ,—երես և այլն, կապույտ ծաղիկ,—բույր,—բանաֆ,—փոշի,—երկինք — օդ,—ծով,—օվկիանոս և այլն։ Օրինակներ՝

«Կարմիր ձիու մեջքին պարկեց» (Հ. Թ., 2, 124)։

«Սև ձիւն քաշեց ջենով (հան» (Հ. Թ., 2, 124)։

«Մերթ զայրացկոտ ծառս է լինում

Մինչև երկինք կապուտակ» (Հ. Թ., 1, 100):

«Դու երազել ես ասողը հեռավոր,

հրեշտակաթև շուշունն սպիտակ» (Իս., 2, 52):

«Ան շուրեր հագած կնստի տանը» (Հ. Թ., 2, 66):

Այս ածականները կարող են կապակցվել գոյականների հետ նաև փոխաբերական կիրառության գեպում: Օրինակներ՝

«Ամպերը ճերմակ երամով անցան» (Վ. Տ., 1, 189):

«Ես տեսա միայն սև ու մութ օրեր» (Ծատ., 178):

Կան նաև աւելի շատ գոյականներ ընդդրկող ածականներ: Այսպես են, օրինակ, հին, նոր, գեղեցիկ, տգեղ, լավ, վատ, դուրեկան, գրավիչ, հիանալի և այլն: Սրանցով կարելի է կազմել շատ մեծ թվով կապակցութիւններ: Կարելի է նշել հին զինի,—տուն,—նազուստ,—ժամացույց,—ընկեր,—բարեկամ,—հաբեան,—նյուն,—հար,—շենք,—մթերք,—երկիր,—ժողովուրդ,—տարիներ,—դարեր և այլն, գեղեցիկ ծաղիկ,—վարդ,—տուն,—հաղափ,—մարդ,—աղջիկ,—տղա,—խաղ,—դեմք,—երես,—մարմին,—զուլս,—ոտներ,—հագուստ,—կոշիկ,—դաշտ,—լեռներ,—երկիր,—անտառ,—բույս և այլն, լավ բան,—գործ,—մարդ,—կին,—հաբեան,—ընկեր,—բարեկամ,—երեխա,—հող,—երկիր և այլն, և այլն: Օրինակներ՝

«Բայց հին ու նոր քո վերհերով կանգնած ես դու կենդանի» (Հ. Թ., 1, 126):

«Մի ջուխտ նոր տրեխ բերավ երկայնի» (Հ. Թ., 2, 102):

«Կանչում էին հրաշալի

Հնչյուններով դյուրական» (Հ. Թ., 2, 44):

«Նա մի կարմիր սիրուն շուր ուներ հաղին» (Հ. Թ., 1, 313):

«Նրանք իմ կյանքը երազ գարծուցին

Կուսական մարտի աշերը անուշ» (Իս., 1, 200):

«Մի բարձր ու ազնիվ տղամարդ էր նա» (Հ. Թ., 2, 144):

«Ով չի սիրում, թեկուզ դուշման,

Լավ արարել լավ մարդիս» (Հ. Թ., 2, 135):

Մինչդեռ հարաբերական ածականները կարող են կապակցվել միայն սահմանափակ թվով և այն էլ տվյալ հատկանիշ ենթադրող գոյականների հետ: Այսպես, կարելի է ասել փառ շենք,—դուռ,—նստարան,—ցանկապատ,—պարիսպ,—առձան,—տախտակ և այլն, սակայն չի կարելի ասել փառ մագ,—աչք,—ոտք,—օլ,—շուր,—ծով,—հաց,—զինի,—պանիր և այլն², եթե կարելի է ասել փայտե գդալ,—աման,—կամուրջ,—ծածկ,—սեղան,—աթոռ,—տուն,—խրճիթ,—ոտք,—ծեղ, ապա հնարավոր չեն փայտե դեմք,—կուրծք,—պտուղ,—թուր,—հող,—հաց,—պանիր,—լույս,—կյանք,—մահ և այլն: Օրինակներ՝

«Հողն հատակի վրա բավական ցեխ էր գոյացել» (Ն.-Դ., 1, 26): «Պատերի տակ շարված էին բազմոցներ ու տախտեր, վրաները ծածկած դիպակն բարձր ու մեծաքանակ օրոցներ» (Մուր., 3, 19):

«Ապարանքի երեքսյան դռներից

Երազանուշ մուշկ ու կնդրուկ է բուրում» (Իս., 2, 150):

«Ցնդում է ստվերը քո լուսն

Երկաթն այն գծերի վրա» (Գ. Մ., Հնձ., 185):

«Ծանապարհով, վրանների կողմն էր բարձրանում մի մարդ, գոտկում՝ պողպատե փայլուն մանգաղը» (Բակ., 196): «Այդպիսի մի թուկով վեր էր մագլցում մի երիտասարդ կին՝ մեջքին չրով լի պղնձե կուժ կապած» (Ս. Խ., Մխ., 218):

Հարստերական ածականները ևս կարող են փոխաբերաբար գործածվել: Այդ դեպքում նրանք կապակցվում են այլ հատկանիշ ենթադրող գոյականների հետ: Օրինակներ՝ «Թունավոր նետից հառաջացած վերքը օրըստօրե քայքայում էր նրա երկաթն առողջությունը» (Մուր., 3, 385):

«Շատրվանները քրքրում էին

պայծառ ծիծաղով աղամանդեղեն,

Բույր ու համբույր էր խնկարկվում շորս դին

խալիֆաների հյուշից լուսեղեն» (Իս., 2, 46):

«Ոհ, կնոջ մարմին, պազշուտ, օձեղեն,

դիվական անոթ ոճիրների չար,

² Խոսքը այստեղ և հետագայում փոխաբերական գործածության մասին չէ:

ու օրիորդական տարիներն անց էր կացրել բացառապէս ընտանեկան շրջանում, թեև խորթ, բայց բարի ու սիրող մոր հսկողութեան տակ» (Ն.-Դ., 2, 283)։ «Անձնատուր եղած ծանր ու ճնշող մտածմունքներին, գրեթե ամբողջ օրը նստած էր մնում լուսամուտի առաջ» (Ն.-Դ., 3, 285—286)։ «Ձմեռային օրվա սառած ու անփայլ վերջալույսը, արագորեն խավարելով, հանգչում էր դաժան հանգստութեամբ» (Ն.-Դ., 3, 578)։ «Մահմեդի մատնեբի տակ հառաչում էր խուլ ու ճնշված նվաղով» (Ար. Պ., 36)։ «Նորից շնչում, ապրում է այս լույս ու հրապուրիչ աղ-խարհում» (Վ. Ան., Սև., 480)։

Այս կարգի բաղճյուսական կապակցութիւնների մի մասը դարձվածքի են վերածվել, ինչպես՝ խեղճ ու կրակ, բանկ ու կրակ և այլն։ Օրինակներ՝ «Տաճրիկ հողաշեն տնակները, որտեղ բնակվում էին խեղճ ու կրակ մարդիկ, նույնպես կորած էին կանաչի մեջ» (Ռ. Աթ., 2, 43)։ «Գողանում է գոգնոցի ու երեսսրբիչի համար սված կտորներից, այն էլ՝ ևս բանկ ու կրակ ժամանակը» (Ար., Պ., 78)։

Երկու ածականները բաղճյուսական կապակցությամբ կարող են գոյականի լրացում դառնալ նաև առանց շաղկապի։ Գրութեան ժամանակ այդ ածականների միջև գծիկ է դրվում, որով նրանք մոտենում են հարադիր բարդութիւններին։ Այսպիսի կապակցութիւններ շատ է գործածում Նար-Դոսը։ Օրինակներ՝ «Գարնան վերջին օրերից մեկում մեռավ Թորոսենց հեռու-մոտի՝ ազգականներից մեկի թոքախտովոր տղան» (Ն.-Դ., 1, 5)։ «Նա ականա մի տեսակ հարցական և անճամբեր-ճետաբերի հայացքով նայում էր նրան» (Ն.-Դ., 2, 304)։ «Նրա սանձաւակ ծաղրական լեզուն նողկանքի պես մի բան է ազդում իրեն» (Ն.-Դ., 3, 24)։ «Վահանը նայեց քրոջ աղետական-սարսափահար աչքերին» (Ն.-Դ., 3, 83)։ «Ետեից եկողների համար բաց-պատրաստ ճամփա է լինում» (Հ. Թ., 1, 395)։

«Կաւմիր-կանաչ իմ օրերս

Սիրո սգով սևացան» (Իս., 1, 89)։

«Ան-մութ ամպեր ճակտիդ դիզվան» (Իս., 1, 101)։

Պատահում են դեպքեր, երբ ածականն ու դերբայը ևս բաղճյուսական կապակցութիւն են կազմում առանց շաղկապի։ Օրինակներ՝ «Նասիբյանը սկզբում կարծես թե շփոթվեց ոչ այնքան այդ հարցից, որքան այն տարօրինակ փայլից... և վերին աստիճանի լարված-քշմամկան այն տոնից» (Ն.-Դ., 3, 36)։ «Կարծես այդ տողերը զարհուրելի օձեր լինեին, որոնք շարժվում էին իրենց լպրծուն մարմնի ահարեկող-ճկուն գալարումներով» (Ն.-Դ., 3, 513—514)։ «Այդ բանում նրան քաջալերում էր պանի Զղանէիչի մտերմական-հովանավորող վերաբերմունքը» (Ն.-Դ., 3, 571)։

* * *

Ածական լրացումով գոյականի կապակցութիւնների ուսումնասիրութիւնը երևան է հանում հետաքրքրական մի երևույթ։ Այդ այն է, որ մի շարք ածականներ իրենց իմաստի թելադրանքով կարող են դառնալ միայն հոգնակի գոյականի լրացում։ Այդպիսիք են մեծ-մամբ կրկնավոր ածականները, որոնք կազմված են կամ ածականից (նորանոր, խոլ-խոլ, մեծ-մեծ, պաղ-պաղ, հին-հին և այլն) կամ այլ խոսքի մասերից (փունջ-փունջ, խումբ-խումբ, տեսակ-տեսակ, գույն-գույն և այլն)։ Այսպես, կարելի է ասել ըստ ըստ գործեր, — տներ, — մանուկներ, զանազան շեն-ներ, — աշխատանքներ, մանր-մունր բաներ, — իրեր, — գործիքներ, — կարիքներ, պես-պես ծաղիկ-ներ, — տեսարաններ, գույն-գույն ծաղիկներ, — վարդեր և այլն³, Օրինակներ՝

«Խոլ-խոլ հսկաներ հնոց աշխարհի,

Փախցրին բերին անառիկ լոռի» (Հ. Թ., 2, 45)։

«Ոտս կապեցիր թել-թել մազերով» (Հ. Թ., 2, 46)։

«Փունջ-փունջ աղբիկներ սարերը ելան» (Հ. Թ., 2, 51)։

«Հսկել եմ հաճախ զանգատներ պես-պես» (Հ. Թ., 2, 92)։

«Եվ նայում էի պղտոր ջրերին,

Պես-պես ցավերով տանջված սիրտս լի» (Հ. Հ., 127)։

«Քաղաքում ձեռք էր բերել մոտ քսան տեղ զանազան շենքեր» (Ն.-Դ., 3, 241)։

«Մտել էի մի քանի մանր-մունր բաներ գնելու» (Ն.-Դ., 3, 539)։

«Պաղ-պաղ ջրեր, պապակ շուրթս չի բացվի» (Իս., 1, 360)։

«Խոսում են լոռու հին-հին քաջերից» (Հ. Թ., 2, 44)։

«Կարծրանալս ըստ մանուկների սևաչ» (Գ. Ս., 160)։

³ Տե՛ս նաև Վ. Առաքելյան, Հայերենի շարահյուսութիւն, Ա. 240—242, 1958։

Հետաքրքրական է այն հանգամանքը, որ երբեմն գոյականի լրացումն արտահայտվում է երկու ածականների անբաժանելի կապակցությամբ: Այդ այն դեպքն է, երբ գոյականի անմիջական լրացում ածականը իր գոյականական հիմքի (արմատի) պահանջով իր հետ ունենում է ածական լրացում: Այդպիսի կապակցություններից կարելի է նշել սև քավիշն գլխարկ, կանաչ քավշն դոշակ, սպիտակ երիզավոր դոշակ, երկար կոթավոր շիրուխ, սև մետաքսե փողկապ, հում կաթնակեր մարդ, կարմիր կտուցավոր բոշուն և այլն: Օրինակներ՝ «Դատարկ տուփը ձեռքին նա՝ վազեց եռեխանների մոտ, նրանց ցույց տալու սպիտակ քիթեղյա տուփը» (Քակ., 194); «Ծովափին սև քավիշն գլխարկով կինը հովանոցի ձայրով ավազի վրա նշաններ էր անում և ավերում» (Քակ., 194); «Նրա գլխին տնկված էր կանաչ քավշն դոշակ» (Ս. Խ., 2., 607); «Սև քաղիֆն անհամար վրանները, դոշակները, ձիերի երամակները, ամենուր վիստացող զորագնդերը ծանր տպավորություն թողնեցին հայ ղեսպանների վրա» (Ս. Խ., Մխ., 606); «Վան-յուշը, գիմնազիստի սպիտակ երիզավոր գլխարկը դեպի ծոծրակը ետ գցած, նստած էր ճաշա-ւեղանի մոտ» (Ն.-Դ., 1, 264):

«Ծանր տնքալով թևը ընկավ ծերը,
երկար կոթավոր շիրուխը լցրեց» (Հ. Թ., 2, 36);
«Հազար-հազար մարդ բռնի միտումով» (Հ. Թ., 2, 114):

Փամանակակից հայերենում օրինաչափ է այն երևույթը, որ ածականը լրացում է դառնում գոյականաբար դորձածված բառերի համար: Ընդ որում գոյականաբար ամենից շատ գործածվում են հենց ածականները: Ուստի սպասելի է, որ ավելի շատ կապակցություններ կազմվեն այդպիսի գոյականներով և ածականներով: Նման կապակցություններից կարելի է նշել հին ծանոթը, խեղճ ուրբը, նախկին հավատարիմը, մոլեռանդ հավատացյալը, փոքրիկ հիմարը, գեղեցիկ մատնիշը և այլն: Օրինակներ՝ «Ճանտերը չամբոյի հին ծանոթն էր» (Հ. Թ., 1, 313):

«Բայց վայ խեղճ ուրբին աշխարհի վրա
Թեկուղ Լևոյուծի կորյուն լինի նա» (Հ. Թ., 2, 100);
«Բարի օր, պապի, ու խոժոռաղևմ
Մերը ետ նայեց ձեռքը ճակատին» (Հ. Թ., 2, 32);
«Պետք է սպանեմ էս փոքրիկ ծուղին» (Հ. Թ., 2, 99);
«Անցավ անտես ու անման
էն սիրունը աշխարհից» (Հ. Թ., 2, 144):

Սակայն հազվադեպ որոշ հեղինակներ կազմում են այնպիսի կապակցություններ, որոնք անիմաստ են: Օրինակներ՝ «Կարծես ինչ-որ դուռ բացվեց, և տա՛ գոլը փչեց» (Ստ. Զ., 4, 197):

«Բայց նորա առջև ոսոխ թշնամին
Յուր սրով փուրեց կյանքի գերեզման» (Ծատ., 117):

Մի շարք դեպքերում ածականի կարող է դառնալ գոյականաբար գործածված, սակայն անորոշ առումով գրված ածականի լրացում: Օրինակներ՝ «Աշխարհքի երեսին մարդիցն էլ վերը տնիքով շնչավոր չկա» (Հ. Թ., 1, 358); «Ներկայացնում էր բնության մի գեղեցիկ հրաշակերտ» (Մուր. 3, 441):

«Քանզում էին նրանք, երգելու էին երգում,
Հանքերի խավարում անթյվ ծեր ու ջուհի» (Գ. Ս., 159):

«Շատ գործնական և մարտական երիտասարդ դուրս եկավ պիոներական թևերի խմբու-գիրը» (Վ. Ան., Սև., 181):

«Կդառնայի շուտով ես մեծ,
Վե՛հ քարեհար
Ազգի համար» (Հ. Թ., 2, 86);
«Կամ անարգված մի ճոխ հիմար,
Որ ապրում է լոկ իր համար» (Հ. Թ., 2, 86);
«Այ, դու կեղծավոր, սիրուն անպիտան
Ես լավ եմ տեսնում այժմ ամեն բան» (Հ. Թ., 2, 95);
«Դ՛նչ ես ուրիշի որբին տուն բերել,
Նստեցրել գլխիս պարապ հացուկեր» (Հ. Թ., 2, 100);
«Բեզոյան Լաչին, ունեւոր միջակ,
Բատրակ է պահել, կիսու ցանք արել» (Ն. Զ., Միհ., 302):

Կան նաև այնպիսի կապակցություններ, որտեղ հայտնի չէ, թե երկու ածականներից որն է գոյականաբար գործածված, Օրինակներ՝

աշոգի կուտամ, հոգի տուր ինձ,

Ի՞նչ նազելի աչագեղ՝ (Իս... 1, 44),

«Իմ աղաժնյակ, իմ սիրունիկ բնասւաց.

Ես թեզ Տոսպա ոսկեցորեն կուտով եմ կերակրել (Ն. Զ., 5, 44):

Ուշադրության է արժանի այն հանգամանքը, որ ժամանակակից հայերենում որակական ածականի հարաբերական գերադրական աստիճանը դառնում է գերազանցապես որոշյալ գոյականի լրացում⁴։ Օրինակներ՝

«Ամենազեղեցիկ հայացմը, որ ես տեսել եմ իմ կյանքում» (Հ. Թ., 1, 363),

«...Անոնառուն կենդանիների մեջ շունը մարդու ամենահին ընկերն է» (Հ. Թ., 1, 116), «Հարկավոր է խնդիր ուղարկել ամենաբարձր տեղը՝ Հենց իրեն՝ ուսաց թագավորին» (Բակ., 135), «Դու մեր շրջանի ամենազգեիվ Լեիտասարդն ես, և ամենահայտնի բրիգադավար» (Ն. Ջ., 5, 121),

Մականյն երբեմն պատահում է, եւան, որ հարսերական գերադրականը դառնում է անորոշ առմամբ գոյականի լրացում (խոսքը վերաբերում է ոչ կապի խնդիր դարձող գոյականներին), Օրինակներ

«Տևանք՝ ես իմ մեջ մի ամենափոքր շարժություն դնակի իմ ազգակիցք» (Մուր., 3, 171),
«Իսկ սիրո զգացումն այն առանձնահատկությունն ունի, որ մարդուն ամենանեղ եասան է
դարձնում (Ն.-Դ., 3, 475), «ՄԼՆԻՐ ՀԼՈՒՍՅԱՆՐ ՄԻ ԱՄԵՆԱՄԱՍՈՒ ԱՆԿԼԻՈՒՄ» (Մուր., 1, 181, 1962)»

✱ ✱

 ✱

Անհրաժեշտ է կանգ առնել նաև գոյականի այն կապակցությունների վրա, որոնցում գոյականն ունի մեկից ավելի ածական լրացումներ, Նի՞ն մեկից ավելի ածականները որակական են, ապա դրանք դրվում են գոյականի վրա՝ հաջորդաբար, Օրինակներ՝

ՏԱՆԵ ՌԻՆԵ, կանաչ զարուհն է ղոն երգելիդ մեջ» (Գ. Ս., 122), «Հանկարծ ղոները բացվեցին, երևացին մի քանի ձուրթեր, իրար խառնված մարմիններ, անբիվ փայլուն կոնյակներ և այգ ամենի մեջ պապիս արևնը գլուխը» (Բակ., 153): «Տնրա սև փայլուն հարուստ մազերը բոլորովին արձակ, անփույթ կերպով փռված էին ուսերի վրա» (սն.-Գ., 2, 79): «Ամառով երկարատև, անառնելի օրը նոր ղոն էր թթնել» (Ն.-Գ., 1, 68),

սխաղում էինք, վազվզում

Գույն-գույն մանրիկ ավագում» (Հ. Թ., 2, 8),

ՆՅՆ մեկից ավելի ածականները տարբեր տեսակի են, ապա արձակ ստղծագործություններում դրանց սովորական շարադասություն կալւոյ կա. զոյականի վրա անմիջականորեն դեր-վում են որականաւն ածականները, իսկ հարարերական և հատկացական ածականները նախորդում են դրանց: Օրինակներ՝

սնրանք իմ կյանքը երազ դարձուցին —

Կուսակաճ մափուր աշերր աճուշ» (Իս., 1, 200),

«Դիմացը՝ փողոցում Լիկեոսական խոշոր լամպն է» (Բակ., 177), «Աշնանային գեղեցիկ առավոտ էր» (Մուր., 3, 208), «Ծիրանների տակ զրույցը դառնում էր առօրյա դժվար աշխատանքի և պայմարի շուրջը» (Բակ., 175), «Բացցվեց ձմեռային ցրտասառույց առավոտը» (Ս. Խ., Մխ., 50),

Սակայն այս կարգն անխախտ չէ, և հաճախ հարաբերական և հատկացական ածականներն են դրվում որակականից առաջ, Դա նկատելի է մանավանդ շափածո ստեղծագործություններում՝

Թրխականներ՝

«Գիժ, լեռնային ճի վտակ

խոխոջում է նրա տակ (Ը. Թ., 2, 8):

ԵՖնա մենավոր վայրերը թափուր

ազատ, կույս և սուրբ զմրուխտյա հեռուն» (Իս., 2, 47),

«Պարզ, աշնանային գիշեր էր» (Հ. Թ., 1, 361):

⁴ Այս առթիվ տե՛ս նաև Ս. Աբրահամյան, Ժամանակակից Հայերենի որոշիչ հոդր, (ԳԱ ԵՏԼԿԿԳԻՐՁ, Հաս. գիտ., 1960, № 1):

*
*
*

Ածական-գոյական կապակցությունների շարադասության մասին.—*Ժամանակակից հայերենում, մասնավորապես արձակ երկերում, գոյականի ածական լրացումը նախադաս է լինում. ածականը (մեկ կամ ավելի) դրվում է լրացյալ գոյականից առաջ: Սա հայերենի շարադասության օրինաչափություններից մեկն է. Օրինակներ՝ «Մի խաղսիղ առավոտ էր, մի տխուր առավոտ» (Հ. Թ., 1, 312): «Նրա ֆաբրիկն սրտի մեջ ծածկված էին քաղմաթիվ գաղտնարաններ» (Մուր., 3, 441): «Բերդի շինությունները կպատսպարեին իրենց աշնանային գիշերվա ցրտից» (Մուր., 3, 179):*

«Իմ սուր. արքուն ականջում

Մի խոր ձեն է միշտ հնչում

Անհուն, անհուն կառոտով

Իրեն մոտ է ինձ կանչում» (Հ. Թ., 1, 151):

Ձափածո ստեղծագործություններում հաճախ ածական որոշիչը կարող է դրվել գոյական որոշյալից հետո: Ածականի ետադաս գործածությունը վեհություն, հանդիսավորություն է տալիս խոսքին, Օրինակներ՝

«Ատում էմ նորից սերն ու կնշը,

իր համրույրները շողում ու դմնյա» (Ի. Մ., 2, 53):

«Քաղաքներից ու գյուղերից, ստեպներից հեռու ու մոտ՝

Եկել էին նրանք նորից՝ հուսավառված ու կրակոտ» (Զ., 250):

Արձակում ես, որոշ հեղինակների մոտ (առանձնապես Բակունցի երկերում) հաճախ է ածականը ետադաս գործածվում: Օրինակներ՝ «Մոռումը սպիտակափառ փռվել էր կրծքին» (Ն.-Դ., 1, 4): «Առավոտից մինչև կեսօր՝ արևը դուրեկան խփում էր պատին» (Ստ. Զ., 4, 191): «Այդ արահետի կապերն են՝ սանդուղիաձև» (Բակ., 143): «Բացվում են վայրի վարդերը՝ դեղին, սպիտակ» (Բակ., 77): «Մոգիները գիծ և արշառները խամ չրի տանելիս թռչկոտում էին ձյունի վրա» (Բակ., 31): «Նախիրը փնչոցով արածում էր խոտը համեղ» (Բակ., 32):

Շատ է տարածված ածականների ետադաս տրոհված որոշիչ գործածությունը: Սովորաբար մեկից ավելի ածականները ետադաս լինելիս արոհվում են, մասնավանդ եթե դրանք կապակցվում են քաղհյուսական շաղկապներով, Օրինակ՝

«Երազն էլ, նուրբ ու խուսափուկ, վազ եղավ, անցկացավ» (Հ. Թ., 1, 154):

«Ով գիտի, գուցե հենց էս գիշեր էլ

Իգիթ ոսոխներն, անհաշտ ու համառ,

Մեկմեկու հոտից ոչխար են քշել» (Հ. Թ., 2, 59):

«Սա մի ընդարձակ ու բոլորշի սենյակ էր, համակ ֆաբաշեն» (Մուր., 3, 18):

«Տաքանում են Օրանշիայի քարերը և խլեզները, փոքի մաշկը դեղին» (Բակ., 77):

«Մի ճերմակ ամպ, քափանցիկ ու անձև, հանդարտ լողում էր լազուրի մեջ» (Բակ., 98):

«Վերջին ձիավորը քթի տակ մոմոտում էր մի երգ. միլամաղձոտ ու հուսահատ, ինչպես ամայի ձորը» (Բակ., 190):

Սակայն կան քաղմաթիվ դեպքեր, երբ գոյականից հետո դրված ածականը կարող է գիտվել կամ իբրև ետադաս որոշիչ, կամ իրենից հետո դրված բայի լրացում, Օրինակներ՝

«Ու տղերքը տխուր ու լուռ

Վերադարձան դեպի սուրն» (Հ. Թ., 2, 67):

«Ու չի դադարում երգի հետ վարար

Կախեթի գիւնին խելագար հոսել» (Հ. Թ., 2, 140):

«Մասրաները փոշեքաթախ ընկած էին մութ պատի տակ» (Ն.-Դ., 1, 4): «Գարնան արևը մեղմ տաքացնում էր գետինը» (Բակ., 31):

«Եվ խայտալով իմ առաջին

Վտակն անուշ խոխոջե» (Հ. Զ., 29):

«Ալիքներն ուրախ բռնել են շուրջպար» (Գ. Ս., 123):

Գոյականից հետո դրված ածականը կարող է պարագա դիտվել նաև այն դեպքում, երբ ածականին բայ չի հաջորդում: Սա բնորոշ է շափածո խոսքին, Օրինակներ՝

«Տվիր սիրտդ աներկմիտ

Նոր ջրերի շառաչին» (Գ. Ս., Հնձ., 394):

«Ու որոտում էր գոռ Որոտանը անհղաձայն» (Վ. Ն., 178):

«Արտույտներն ուրախ մեր սերն են երգում» (Գ. Ս., 27):

«Միում է սիրտս անհուն» (Գ. Ս., 74)։

«Նայեց նրանց լուսալուստ խաղաղ ու լուռ» (Գ. Ս., 205)։

«Փախչում է ձմեռն անգոր ու անգն» (Մատ., 203)։

Անհրաժեշտ է նշել, որ գոյականից առաջ դրված ածականն էլ երբեմն կարող է դիտվել նախորդ բայի լրացում։ Սա ևս հանդիպում է շափածո խոսքում։ Օրինակներ՝

«Պարում էին նկույն ճյուղ ու տերև

Իրիկնային քամու նվագի տակ» (Ն. Զ., Միհ., 216)։

«Չկարավն զալարարն նախուհին» (Ն. տ., 452)։

«Բացվել է շէնդ վարնան առավոտ» (Գ. Ս., 111)։

«Թիկնել է լուռ նաչիրան ասեղնակուր իր բարձին» (Գ. Ս., 264)։

«Թնդում է զվարք աղմուկը բինի» (Հ. Թ., 2, 45)։

«Երգեց վսեմ շարական» (Հ. Թ., 2, 67)։

Սակայն ետադաս ածականը կարող է դիտվել նաև իրրև հաջորդ գոյականի նախադաս որոշիչ։ Դա երկիմաստութիւն է առաջացնում և կապակցութիւնների կամայական մ' նաբանութեան տեղիք տալիս։ Օրինակներ՝

«Էս դարում Մըսրը անհավը ու եզար

Մարա-Մելիքի էր նստած թաղավոր» (Հ. Թ., 2, 98)։

«Ամպերը ճերմակ երամով անցան» (Վ. Տ., 1, 189)։

«Պարզեցի կյանքս պարզ ու խնդագին

Հավիտենություն» (Վ. Տ., 1, 138)։

Բազմաթիվ դեպքերում գոյականի մեկից ավելի ածական լրացումները կարող են դառնալ և՛ նախադաս, և՛ ետադաս որոշիչ։ Այս գործածությունը ևս հատուկ է շափածո խոսքին, թեև թիչ չի հանդիպում նաև արձակում։ Օրինակներ՝

«Գնա մեկավոր վայրերը քափուր» (Իս., 2, 47)։

«Կը գգվեմ վայրի տատասկը դժնի» (Իս., 2, 54)։

«Նրանց ոտքերում՝ գազազած գալի»

Գալարվում է գիծ Դե-Բեդը մալի» (Հ. Թ., 2, 13)։

«Բայց գու էլ խելով մի մարդ ևս դիտուն» (Հ. Թ., 2, 34)։

«Կանչում էին հրաշալի

Հնչյուններով դյութական» (Հ. Թ., 2, 44)։

«Սպասում է կետեղ կիներ.

Ջանկ կիներ սեպչա» (Հ. Թ., 2, 136)։

«Պարտվեց մահաշունչ ոսոխը դաժան» (Իս., 1, 380)։

Պետք է առանձին կանգ առնել նաև այն կապակցութիւնների վրա, որոնցում գոյականի ածական որոշիչն անջատվում է նրանից նախադասութեան այլ անդամներով։ Այստեղ տարբերակում ենք երկու դեպք։ Առաջին դեպքում գոյականի ածական լրացումն անջատվում է նրանից նույն գոյականի այլ լրացումներով։ Օրինակներ՝ «Դա մի տարիքավոր, բարձրահասակ, լուրջ ու պատկառելի դեմքով և անխառն մազերով տղամարդ էր» (Մուր., 3, 20)։

«Երգենք աշխարհաշեն նրա հղորդ ողին» (Գ. Ս., 203)։

«Ջինջ հնչյունների կարկաշունց այգ շուն

Հնգնում է ներկան, ինձ չի ճանաչում» (Գ. Ս., Հնձ., 17)։

«Ցնդում է սուլերը քո լուսն երկաթն այն զճերի վրա» (Գ. Մ., Հնձ., 185)։

Երկրորդ դեպքում գոյականի ածական լրացումն անջատվում է նրանից հիմնականում ստորոգյալով կամ օժանդակ բառով։ Այստեղ ևս պետք է տարբերենք երկու ենթատեսակ։ Նախ, գոյականը տրամաբանական շեշտ ունենալով անմիջապես դրվում է ստորոգյալից կամ օժանդակ բառից առաջ, ապա հետևում են այդ գոյականի ածական լրացումը կամ լրացումները։ Օրինակներ՝

«Մեր առջև ձորն էր թշուր խավարշտին» (Հ. Թ., 2, 42)։

«Եկեք շահել սիրահարի

Սերը ողբանք վաղամեռ» (Հ. Թ., 2, 43)։

«Իմ զավակներն են քաջ՝ իտրել այգին,

Մեր առվակներն են պաղ՝ չրել այգին» (Ն. Զ., Միհ., 126)։

«Երկրում մահն էր արշավում

Գեղնատենդ ու հաղթական» (Գ. Մ., Հնձ., 517)։

«Օրն էր մթնում դուրջ, անուրդ» (Գ. Մ., Հնձ., 257)։

Այստեղ գեր է խաղում ոչ միայն այն հանդամանքը, որ գոյականը անջատվել է իր ածական լրացումից տրամաբանական շեշտ ստանալու պատճառով, այլև այն, որ գա կատարվում է բանաստեղծական շափի ու հանգավորման նպատակով։ Ավելի ճիշտ, այս վերջին նպատակն է թելադրում գոյականն անջատել իր լրացումից (կամ լրացումներից)։ Սա երևում է նաև այն գեպրերում, երբ գոյականն իր ածական լրացումից անջատվում է ոչ տրամաբանական շեշտ ստանալու պատճառով։ Օրինակներ՝ «Ուրախ սրտով դուր ձեր սերը

Վայելեցեր անբաւամ» (Հ. Թ., 2, 208)։

«Քառսուն կույս աղջիկ բերեր արմաղան» (Հ. Թ., 2, 208)։

«Քո սուրբ քրտինքով

Բազում-բյուրավոր

Ապրում են մարդիկ» (Մատ., 160)։

«Այնտեղ բոլոր անգամ ես ապահով եմ,

Քան թե մարդկանց մոտ, կեղծ ու ժպտաղեմ» (Իս., 2, 49)։

Սակայն կան սակավաթիվ դեպքեր, երբ գոյականի լրացումը նրանից այլ անդամներով անջատելը հասցնում է անիմաստության։ Օրինակներ՝

«Թափվիր, ցերմակ, թափվիր, ձյուն» (Գ. Մ., Հնձ., 87)։

Երբեմն էլ հայտնի չէ, թե որն է ածականի լրացյալը։ Սա պատահում է շափածո խոսքում։ Օրինակներ՝

«Մենք բանդեցինք, կործանեցինք աշխարհը հին իր հիմից,

Կամքը մարդու ստեղծագործ կուսակեցինք մինք ի մի» (Զ., 179)։

«Բայց նա խոսեց, դրեց արեաքաբայս

Իր ոհմակի մատյանը դարչելի» (Ն. Զ., Միհ., 128)։

«Կամ պետք է լինի Գերմանիա միակ գերիշխան ե տեր» (Ն. Զ., Միհ., 511)։

Այստեղ հայտնի չէ, թե արևարաբայս, միակ, ստեղծագործ ածականները որ գոյականների լրացումն են։ Ոհմակիլ բն մատյանը, Գերմանիա, գերիշխա՞ն, թե տեր, կա՞մքն թե մարդու։

Անհրաժեշտ է նաև նշել այն դեպքերը, երբ իրար մոտ գրված երկու ածականներից մեկը պարագա է, մյուսը՝ որոշիչ։ Իհարկե, այսպիսի դեպքերը խիստ սակավաթիվ են։ Օրինակներ՝

«Իմ նազելուս շունը բերուչ ինձ շոյեց,

Կարոտավառ հպարտ կրծքին փարվեցի» (Իս., 1, 211)։

Այստեղ կարոտավառ պարագա է, իսկ հպարտ՝ որոշիչ։

«Այն ժամանակից է պահել և պատերազմի տարիներում խալին ու սանդուղները լի պինդ թաքցրել մառանի մի անկյունում» (Բակ., 72)։

Այս նախադասության մեջ լի որոշիչ է, իսկ պինդ պարագա։

«Թողնի անպաշտպան ամայի դաշտում

Այս կոլխոզական բերքը վիթխարի» (Ն. Զ., Միհ., 391)։

Նախադասության մեջ անպաշտպան պարագա է, իսկ ամայի՝ որոշիչ։

«Ու պատվիրեց խոժոռ-արևելյան մի սուրճ» (Ն. Զ., Միհ., 398)։

Այստեղ էլ խոժոռ պարագա է, իսկ արևելյան՝ որոշիչ։ Այդ զգալով էլ հեղինակը դրանք իրարից անջատել է գծիկով, որը հայերենի կետադրական օրենքով ճիշտ չէ։

Կրկնությունը ոճաբանության մեջ համարվում է իմաստի ընդգծման, էֆեկտիվության միջոց։ Այս տեսակետից պետք է նշել, որ ածականը գոյականի որոշչի դերում ևս կարող է կրկնված լինել։ Օրինակներ՝

«Աշևան պղտուր, պղտուր ամպեն

Արցունքի պես թոն կգա» (Իս., 1, 96)։

«Եղեգնուտներում երգում էր քամին

Հեռու, հեռավոր, հեռավոր մի երգ» (Գ. Մ., Հնձ., 493)։

«Երկնքի սպիտակ, սպիտակ շուշաններ,

Իջնում եք անշուկ, իջնում եք ձյուն դառած» (Հ. Թ., 185)

Սակայն հնարավոր է, որ իրար մոտ գրված երկու ածականները նույն դերը չկատարեն, և այդ դեպքում դա չի դիտվի իբրև ածականի կրկնություն։ Օրինակ՝

«Բայց խոնարհ՝ գլուխ տվեց, քյամանչան բռնած ձեռքին,

Եվ տխուր, տխուր հոգով հեռացավ Սալաթ-նովան» (Գ. Մ., 308)։

Այստեղ առաջին տխուր-ը կարող է նաև պարագայ դիտվել:

Սովորաբար բաղադրյալ անունները, մասնավորապես հատուկ անունները, ունենում են ամբողջ բառակապակցությանը վերաբերող ածական լրացում: Այսպես, ասում ենք հզոր Սովետական Միություն, նորաստեղծ Հայկական Խորհրդային Սոցիալիստական Հանրապետություն, անպարտելի Խորհրդային Բանակ, բեռնուտ Արարատյան դաշտը և այլն: Օրինակներ՝

«Միծաղախիտ Վանա ծովի

Փոքրիկ գյուղից առափնյա,

Մովն է մտնում գաղտագողի

Ամեն գիշեր մի տղա» (Հ. Թ., 1, 205):

«Բայց շարժում է դեռ նա իր դիվային ռազմի մեքենան» (Ն. Զ., Միհ., 120):

«Գործոն անդամ էր մի քանի խոշոր ակցիոներական ընկերությունների» (Ն.-Դ., 1, 224):

Ածականը երբեմն կարող է դառնալ բաղադրյալ հատուկ անվան բաղադրիչներից մեկի լրացում: Այդ դեպքում նա երկփեղկում է բաղադրյալ հատուկ անունը: Այսպես, հնարավոր է ասել Արարատյան արգավանդ դաշտը, Սևանա զեղեղիկ լիճը և այլն: Օրինակ՝

«Երգումն առաջին նա անցյալ տարե

Տվեց լաշինի սիրուն աղջկան

Ռուշանի կապույտ Քարափի քարին» (Ն. Զ., Միհ., 287—288):

Անհրաժեշտ է կանգ առնել նաև այն կապակցությունների վրա, որոնք կազմված են նախադասության մեջ շարահյուսական ինքնուրույն պաշտոն չունեցող գոյականներից և ածական լրացումից (կամ լրացումներից): Իրրև կապակցության լրացյալ առաջին հերթին հանդես են գալիս ժամանակի ընդհանուր կամ կոնկրետ իմաստ ունեցող մի շարք բառեր՝ ժամանակ, առավոտ, երեկո, օր, պահ և այլն: Օրինակներ՝ «Ոչ ոք չգիտեր, թե ինչ է անում, ինչով է պարագում դասերից ազատ ժամանակ» (Շիրվ., 4, 305): «Մայրը տան գործերից աղատ ժամանակ սովորաբար նստում էր ծալապատիկ և զբաղվում գույպ գործելով» (Ն.-Դ., 1, 155):

«Ռավական ժամանակ էր, ինչ նա յուր աստմենքը կրճտում էր Աշոտ թագավորի վրա» (Մուր., 3, 70): Քամու կատաղի ժամանակ նրանք հանկարծ գլխներից ետ էին քաշում յափընջու ծայրը» (Ն.-Դ., 1, 88): «Հետևյալ առավոտ, շատ վաղ, կաթողիկոսը խորհրդի հրավիրեց յուր մոտ միաբանության գլխավորներին» (Մուր., 3, 208): «Գահի քափուր ժամանակ ամեն մի դավաճան հրապարակ է հանում յուր հին հաշիվները» (Մուր., 3, 432):

«Քո ուրախ պահին հիշիր, որ ես կամ» (Գ. Ս., 194):

Այսպիսի կապակցությունների լրացյալ են դառնում նաև կողմ, երես, մաս և այլ գոյականներ՝ տարբեր հոլովներով՝ դիտվելով իրրև կապական բառեր: Օրինակներ՝ «Երևաց Գարդմանը յուր սպիտակ պարիսպներով, որոնք ամբողջում էին բերդի արևմտյան կողմից և աչ ու ձախ ձգվելով՝ միանում հյուսիսային մասի անմատչելի լեռնալանջին և հարավային ու արևելյան կողմերի վրամահերձ ժայռերի բնական պատնեշներին» (Մուր., 3, 97):

Օրկորող դեպքում այդպիսի կապակցությունների լրացյալ կարող է հանդես գալ գործիական հոլովով դրված որևէ գոյական, որը ևս գուրկ է շարահյուսական ինքնուրույն պաշտոնից և միայն այդ ածականի հետ միասին է դիտվում իրրև նախադասության մի անգամ: Օրինակներ՝ «Միքանի տափի համար համարյա հավաքած քվով մահակների էին զարկվում երկուստեք» (Բակ., 42): «Տուն տերը՝ Օհան ապերը նահապետական բարձր մարդ էր» (Բակ., 119):

«Դու տերում ես ջանքով զերմարդկային» (Հ. Ս., 135):

«Կարմիր շուրվ մի խիզան

Ընկավ ձորը, մի կածան» (Հ. Թ., 2, 11):

«Խարում են, կանչում ծանոթ ձայներով» (Հ. Թ., 2, 16):

«Բանը վերջացնի զեղական կարգով» (Հ. Թ., 2, 40):

✱ *

Անհրաժեշտ է նշել նաև ածական լրացումով գոյականի այն կապակցությունները, որոնք իրրև կայուն բառակապակցություն, անվանողական դեր են կատարում. բաղադրյալ հատուկ կամ հասարակ անուն են:

Դրանցից կարելի է նշել՝ Արարատյան դաշտ, Սև ծով, Կարմիր ծով, Միջերկրական ծով, Կովկասյան լեռնաշղթա, Հայկական պար և այլն:

Այս կարգի անվանողական կապակցություններից պետք է տարբերել մի շարք կայուն կապակցություններ, որոնք նույնպես մեկ միասնական հասկացություն արտահայտելով հանդերձ

սովորաբար չեն տրոհվում՝ առանց իմաստի խաթարման։ Այսպես, ծնողական ածականով կարող ենք կազմել շատ ազատ կապակցություններ՝ ծնողական սեր,—ղուր,—պարտ,—զգացում և այլն, սակայն ծնողական ժողով կապակցությունը որոշակի իմաստ ունի։ Այստեղ, իհարկե, բաղադրիչները կարող են անջատ ես պործածվել (ըստ որում, նրանք այլ կայուն կապակցություններ էլ կկազմեն, ինչպես՝ ազգային ժողով, օրենսդիր ժողով և այլն), սակայն տվյալ կապակցությունը դիտվում է իբրև կայուն։ Այսպես են՝ ազգային դոկտրինա,—հիմն,—գույն,—եկամուտ,—հարց,—ժողով,—փոփոխմաննություն, ակադեմիական տարի, սահմանադիր ժողով, օրենսդրական ժողով, մայրենի լեզու, կենդանի լրագիր, խնայողական դրամարկդ, մեծ պաս, պատվավոր նախագահություն, հանձնարարություն, փողանցական պատերազմ, սեպտեմբերյան և այլն։

Սրանցից պետք է տարբերենք ածական լրացումով կազմված դարձվածքային կապակցությունները, որոնց իմաստը անմիջապես բաղադրիչներից չի բխում, թեև հասկանալի է նրանց կապակցությունից, այլ ժամանակի ընթացքում փոփոխվելով է արդի վիճակին հասնել։

Այսպես են՝ աղի աբստինուց, անհոտ ծաղիկ (անշնոր մարդ), բարի լույս, բարի օր, դառաբլ մարդ, դատարկ խոսք,—ծնոհով, քերե ձեռք, լայն սիրտ, քունավոր լեզու, սև երես, պոչատ գդալ, փափուկ դուրյուն, կարև խելք և այլն։

Սրանցից տարբերվում են կրոնական առասպելարանական ծագում ունեցող (մեծ մասամբ այլ լեզուներից պատճենված) դարձվածքները, որոնց իմաստը կապվում է այս կամ այն հին առասպելի կամ պատմական դեպքի հետ։

Դրանցից են՝ ափիսյան զարչապատ, ավզյան ախոռ, դամոկլյան սուր, բարեխաղական կրակ, բարեխոնյան աշտարակ,—աշտարակաշինություն,—խառնակություն, մարաթոնյան վազ, գորդյան հանգույց, պրոկրուստյան մահին, վերջին մոմիկան, պլատոնական սեր, դեպոնյան օրենք։

Համառոտագրություններ

Ռ. Աթ. Զ.—Ռ. Աթյան, Զարթոնք, 1958։

Ղ. Աղ.—Ղ. Աղայան, Ընտիր երկեր, 1956։

Վ. Ան. Զ. Գ.—Վ. Անանյան, Հովազածորի գերիները, 1956։

Վ. Ան. Սև.—Վ. Անանյան, Սևանի ափին, 1961։

Ռ. Ար. Ռ. Եղր.—Ռ. Արամյան, Ռուբինյան եղբայրներ, 1954։

Ար. Պ.—Արագի, Պատմվածքներ և վիպակներ, 1952։

Բակ.—Ա. Բակունց, Երկեր, 1955։

Ն. Զ.—Ն. Զարյան, Երկերի ժողովածու, 5, 1956։

Ն. Զ. Միհ.—Ն. Զարյան, Միհատորյակ, 1959։

Ստ. Զ.—Ստ. Զորյան, Երկերի ժողովածու, 1—5, 1960—61։

Զ. Թ.—Զ. Թումանյան, Երկատորյակ, 1958։

Իս.—Ա. Իսահակյան, Երկեր, 1—4, 1958—59։

Ս. Խ. Հ.—Ս. Խանզադյան, Հողը, 1954։

Ս. Խ. Մխ.—Ս. Խանզադյան, Մխիթար Սպարապետ, 1961։

Մատ.—Ա. Մատուրյան, Բանաստեղծություններ, 1958։

Հ. Հ.—Հ. Հովհաննիսյան, Երկեր, 1959։

Գ. Մ. Հնձ.—Գ. Մահարի, Հնձաններ, 1959։

Մուր.—Մուրացան, Երկերի ժողովածու, 3, 1952։

Ն. Դ.—Նար-Դոս, Երկերի ժողովածու, 1—3, 1955։

Վ. Ն.—Վ. Նորենց, Իմ աշխարհը, 1958։

Շիրվ.—Շիրվանզադե, Երկերի ժողովածու, 1—8, 1958—59։

Զ.—Ե. Զարենց, Երկեր, 1954։

Ա. Ս.—Ա. Սահինյան, Մարավ, 1-ին, 1959։

Գ. Ս.—Գ. Սարյան, Բանաստեղծություններ, 1958։

Հ. Ս.—Հ. Սահյան, Նաիրյան դալար բարդի, 1958։

Հ. Ս. Հ. Ե. Մ.—Հ. Սահյան, Հայաստանը երգերի մեջ, 1962։

Վ. Տ.—Վ. Տերյան, Երկեր, 1—2, 1960—61։